

瘍醫大全目錄

卷三十四

諸瘡部

疔瘡門主論

附方

水疔門主論

附方

紅絲疔門主論


附方

楊梅瘡門主論

附方

楊梅癰門主方

楊梅瘡愈後紅黑疤不褪門主方



結毒門主論 附方

補鼻還原法



南京中醫藥大學圖書館版權所有

瘍醫大全卷三十四

蕪湖顧世澄練江氏纂輯

男 壘錢之相東陽 全校

諸瘡部

凡疔瘡楊梅結毒俱彙於此部中以便檢閱參治

疔瘡門主論

華元化曰疔有五色屬五臟紅屬心發於舌根青屬肝發於目下黃屬脾發於口唇白屬肺發於右鼻黑屬腎發於耳前以種類言之

孫真人千金方論疔瘡一十三種一曰藤子疔其狀

肉起頭如黍米色稍黑四邊微赤多癢忌食藤子油衣藤衣

入藤田二曰石疔其狀皮肉相連色如黑豆甚梗中行

刺之不入肉微痛忌无燥磚石之屬三曰雄疔其狀炮起

頭黑靨四畔仰炮將起有水出色黃大如錢孔形



高者忌房室

四曰雌疔其狀瘡稍黃向裏壓亦似灸

瘡四邊炮漿起心凹色赤如錢孔者

忌房室

五曰火

疔其狀如湯火燒灼瘡頭黑靨四邊有烟漿又如

赤粟米者

忌火燒烙

六曰爛疔其狀色稍黑有白斑瘡

中潰有膿水流出瘡形大小如匙面者

忌熱食爛物

七

日三十六疔其狀頭黑浮起形如黑豆四畔起赤

色今日生一明日生二及至十若滿三十六藥所

不能治未滿三十六可治

忌嗔怒蓄積愁恨

八曰蛇眼疔

其狀瘡頭黑皮浮生形如小豆狀似蛇眼大體硬

忌惡眼人看并嫉妬人見忌毒瘡

九日鹽膚疔其狀大如匙面四

一邊皆赤有黑粟粒起大

忌食鹽

十日水洗疔其狀大

如錢形如錢孔頭白裏黑靨汁出中硬

忌飲漿水水洗渡河

十一日刃鎌疔其狀濶狹如薤菜大長一寸左側

肉黑如燒烙

忌刺及刀鎌切割鉄刃所傷可以藥治不可亂攻

十二日浮

漚疔其狀瘡體圓曲少許不合長而狹如薤菜大

內黃外黑黑處刺之不痛黃處刺之痛十三日牛

狗疔其狀肉色炮起指不破已上疔瘡十三種初

起瘡心先癢後痛先寒後熱熱定則寒多四肢沉

重心驚眼花若重者則嘔逆嘔逆則難治麻子疔
一種始終惟癢以上忌禁者不得觸犯如觸犯者
發作難治惟浮漚牛狗二疔無所禁忌縱不醫亦
不害人其狀寒熱與諸疔不同故不殺人也凡疔
起後背強瘡痛極甚不可忍者是觸犯禁忌以此
爲辨

此條與外臺秘要神
巧萬全所論頗同

王肯堂曰疔之四圍有赤腫名曰護場爲可治疔之
四圍無赤腫名曰不護場不可治

準繩

又曰瘡證急者有應如生一疔之外別處肉上再生

一小瘡卽是有應可用針挑破護場瘡四圍有赤腫生多瘡者謂之滿天星飲食如常頭痛身熱手足溫

陳實功曰疔瘡有朝發夕死隨發隨死誠外科證中

迅速之病也凡治此證貴在乎早如在頭面頭

諸陽之首亢陽熱極所致其形雖小其惡甚大再

加艾灸火益其勢逼毒內攻反爲倒陷走黃之證

作矣旣作之後頭面耳項俱能發腫形如胖尸

惡頓起治雖有法百中難保一二不可不慎

正宗

又曰毒發於心經者生爲火焰疔多生心臟之俞募
井之端唇口手掌指節或手之小指初生一點紅
黃小泡孤破痛癢非常左右肢體麻木心煩發躁
言語昏慣

又曰毒氣發於肝經者生爲紫燕疔多生手足腰脇
筋骨之間或足大指初生便是紫泡次日破流血
水三日後串爛筋骨疼痛苦楚眼紅目暗指甲純
青睡語驚惕

又曰毒氣發於脾經者生爲黃鼓疔初生黃泡光亮

明潤四面紅色纏繞多生口角腮顴眼胞上下及
太陽正面之處便作麻癢繃急硬強重則惡心嘔
吐煩渴乾噦

又曰毒氣發於肺經者生爲白刃疔多生手大指初
生白泡頂硬根突破流脂水癢痛驟然易腐易陷
腮損咽焦毛聳肌熱咳吐膿痰鼻掀氣急

又曰毒氣發於腎經者生爲黑靨疔多生耳竅胸腹
腰腎及足小指湧泉偏僻軟肉之間初生黑斑紫
泡毒串皮膚漸攻肌肉頑硬如釘痛徹骨髓重則

手足青紫驚悸沉困軟陷孔深目睛透露

又曰紅絲疔起於手足節間初起形似小瘡漸發紅絲上攻手膊或攻大腿令人寒熱惡心嘔吐遲者紅絲至心常能壞人急用針於紅絲盡處挑斷出血尋至疔上挑破挿入蟾酥條膏蓋內服蟾酥丸發汗追出疔根得膿自愈

又曰唇下疔又名馬口疔

又曰手掌心疔又名擎味疔

又曰患疔經五六日不瘥目中見火光心神昏昧口

乾心煩嘔吐不定皆屬疔毒內陷均須速治

馮魯瞻曰疔者經曰膏粱之變蓋因膏粱之人皮厚

肉密內多滯熱故變爲疔然古方計有一十二種

三十六疔之分總由臟腑積受熱毒邪氣搏於經

絡以致血凝毒滯注於毛孔手足頭面各隨臟腑

部位而發其形如粟米或痛或癢漸至遍身麻木

頭眩寒熱時主嘔逆甚則四肢沉重心驚眼花經

雖所載疔色有五以應五臟其實紫黑及黃泡者

居多先癢後痛先寒後熱也宜內服發散解毒攻

托之劑外敷拔毒菊花葉蒼耳草之類大概疔包
成膿則毒已外洩可無他慮惟在初起最宜謹慎
疔毒攻心禍如反掌蓋疔由心火蘊結故其疼異
常爲害甚速病人口嚼生荳不覺荳腥者卽是也
若於耳後方圓一寸發者尤甚蓋水枯火熾之極
也不可妄動如抓破見風毒卽內攻不救

錦囊

又曰紅絲疔者又名血絲疔發於兩手指而作紅絲
漸漸行至關節勢必殺人可先以線裝住紅紋之
處次將銀針砭去惡血以藥塗之上者血紅次者

血紫下者血黑若一失治則稽留不散輕則爛傷
墜指重則入腹而死

又曰內經以白疔發於右鼻赤疔發於舌根黃疔發
於口唇黑疔發於耳門青疔發於目下蓋取五色
以應五臟各有所屬部位更有發於或肩或背或
腰或足發無定處如在手足頭面骨節間者最急
其餘猶可緩也

李東垣曰疔上按之礮痛應心者是疔也秋冬寒毒
久結皮膚中變作疔瘡不急治之日夜根長流入



諸脉數道如箭入身顫掉不已若不慎口味房室
死不旋踵

精義

申斗垣曰夫疔瘡取治其法不一當先看其緩急如
緩者一日瘡炮白色而小二日色白微大三日色
微紫四日色真紫此候之緩也急者五日色青紫
小六日色深青大紫七日色黑如火灸瘡之狀此
最急之候假如身上生一瘡而他處又生一小瘡
爲之應候先用針挑破小瘡則泄其毒謂之可治
若只有一疔他處無小瘡則之無應候不可治疔

無應候是毒氣之甚故不可治也大抵疔瘡四圍
有紅赤焮腫者名曰有護場如疔瘡四圍不赤腫
者卽是不護場不可治也有護場方可治也疔之
生者身熱頭疼手足溫煖坎食如常是常疔也疔
之危者眼轉大渴而喘唇面青不進食五心腫無
有脉四肢冷不起床不精神腹痛甚於常是有內
疔也 啟立

周文采曰凡療疔瘡皆宜刺瘡中心至痛處又刺四
邊十餘下令血出去盡惡血敷藥藥力得入針孔

中方佳若藥不達中藥力難達反致悞事又看口
中頰邊舌上有赤黑如珠子者是疔也

集驗

養生篇曰人汗入肉食之則生疔瘡不可不慎

竇漢卿曰凡疔瘡針刺患人手足中指不痛者難治

又曰如疔在頭面手足骨節間者甚急

又曰疔瘡頭陷碧綠色者不可用針刀出血

又曰疔瘡日久潰爛者不可用針出血只可用刀割

去腐肉

又曰疔瘡主根入腹者便死用磨針刀鐵漿水一碗